

阿育王傳

漆

六五四

220
1433
0567

阿育王傳卷第三

西晉安息國三藏安法欽譯

優波毘多因緣第七



佛於摩突羅國告阿難言我百年後摩突羅國有毘多長者之子名優波毘多教授禪法弟子之中最爲第一雖無相好化度如我我涅槃已後當大作佛事其所教化阿僧祇眾生皆令解脫得阿羅漢者人使

窟裏積滿其中此窟長短四十

四尺佛告阿難言汝今見是青

此是優留曼茶山我百年後

有比丘名商那和修於優留曼茶山當作僧房而度
優波邈多摩突羅國有二長者子一名那羅二名跋
利於優留曼茶山當起僧房閑暇清淨能生禪定房
舍卧具悉皆具足遂名那羅跋吒阿練若處阿難白
佛言世尊優波邈多所化度者多所利益佛告阿難
優波邈多非但今日多所化度乃於往昔無量劫時
亦多所利益欲得聞者至心聽之當爲汝說往昔優
留曼茶山有五百辟支佛止住一面五百仙人復在
一面五百獼猴亦住一面爾時五百獼猴之主往辟
支佛所生歡喜心採華拾果與辟支佛時辟支佛結

跏趺坐入於禪定獼猴合掌在其下頭學辟支佛結
跏趺坐後辟支佛入於涅槃獼猴過華果與都無取
相於是獼猴挽衣推排亦不動搖知涅槃去用爲懊
惱便向山一面見五百婆羅門或卧棘刺或卧灰土
或翹一腳或舉一手或自倒懸或五熱炙身卧棘刺
上者獼猴便收棘刺遠棄卧灰土者亦收灰土而遠
棄之舉一手者挽手令下倒懸之者挽其索絕翹一
腳者挽其腳展五熱炙身者遠棄其火怪彼所作卽
於其前結跏趺坐五百仙人各作是言獼猴今怪我
等所作我等試學獼猴所作便跏趺坐思惟繫念無

師自悟七覺意法自然在前卽得辟支佛而作是念
我等今得辟支佛道皆由獼猴之所教授具以華果
供養獼猴獼猴壽終便以香薪燒而供養阿難爾時
獼猴者今優波鞠多是昔爲獼猴猶能利益五百仙
人使得道證佛語阿難汝捉我衣卽便捉衣遂卽相
將向罽賓國到罽賓國已佛告阿難此地平整甚大
寬廣阿難白佛言如是世尊復告阿難我百年後有
比丘名摩田地當安佛法於罽賓國此罽賓國多饒
房舍卧具坐禪第一佛從是漸進向拘尸那城佛欲
般涅槃告摩訶迦葉言於我滅後當撰法眼使千年

在世利益眾生迦葉答言請受尊教佛入世俗心而
作念言釋提桓因應來我所釋提桓因知佛心念卽
至佛所佛語釋提桓因我去世後汝當護持我之遺
法釋提桓因白佛言世尊唯然受教佛亦入世俗心
而作心念四天王天應至我所時四天王知佛心念
卽來佛所佛告四天王我涅槃後當擁護善法唯然
世尊當受聖教佛敕摩訶迦葉釋提桓因四天王等
已便至拘尸那城娑羅林中雙樹間宿涅槃時至告
阿難言汝於娑羅林中北首敷置我於今日中夜當
入涅槃而說偈言

諸有皆洄瀆 生老如波浪 渡死之大海

捨身如棄棧木 至無畏涅槃 免魔竭大怖

三有海淵廣 解脫師能渡 閻浮提至古

說此偈已卽入涅槃如是乃至起八舍利塔第九瓶

塔第十灰炭塔乃至釋提桓因及四天王以香華音

樂末香塗香供養舍利而作是言佛付囑我等法而

般涅槃從今已去當護持佛法帝釋告提頭賴吒汝

當擁護東方佛法復告毗樓勒汝當擁護南方佛法

告毗樓博叉汝當擁護西方佛法告毗沙門天王汝

當擁護北方佛法所以者何未來當有三邪見王毀

滅佛法佛之所記汝當護持佛滅度後數千億萬阿
羅漢等悉入涅槃諸天空中出大音聲而作是言諸
佛弟子皆從佛去法燈欲滅大闇將至若不聚集三
藏經書若諸羅漢入涅槃已佛法卽滅釋提桓因將
四天王及諸天眾往尊者摩訶迦葉所頭面作禮而
白迦葉言尊者如來之法付囑尊者尊者今當聚集
法眼令諸天人千載之後利益眾生迦葉卽時於虛
空中打大毬椎三千世界皆聞其聲五百羅漢卽來
集於拘尸那城迦葉語阿那律言諸羅漢中誰有不
來答言唯有尊者憍梵波提在尸利沙宮而未來至

迦葉問言今此眾中誰爲下座弗那答言我是下座
尊者語言汝能從僧如法教不弗那答言我能從順
尊者言善哉善哉汝能爲下座莊嚴眾僧今可往彼
尸利沙宮語憍梵波提言迦葉等比丘僧喚汝此間
今有僧事喚於大德弗那卽往至尸利沙宮白憍梵
波提言迦葉等比丘僧今有僧事暫喚尊者答言長
老弗那應言如來等比丘僧何以乃言迦葉等比丘
僧佛不入涅槃耶將非外道壞佛法也將非惡比丘
破和合僧也弗那言如尊者語如來已入涅槃法橋
已壞法須彌山已崩聲聞由乾陀山已壞尊者憍梵

波提言世尊若在閻浮提者我可往彼今已滅度閻
浮提內空曠不樂我何故去我今乃欲入於涅槃遙
以我心頂禮迦葉及眾僧足作是語已卽入涅槃於
是弗那還閻浮提到眾僧前向上座言憍梵波提不
肯來下禮上座足并諸眾僧卽入涅槃到此命已而
作言曰十力大象沒象子亦隨沒諸阿羅漢等多有
隨佛而涅槃者摩訶迦葉作是制言未集法藏不聽
比丘入於涅槃乃集五百諸阿羅漢皆共和合欲集
法藏又語阿難長老汝是佛弟子多聞總持有大智
慧常隨從佛有清淨行知見具足最後法中利安眾

僧佛所讚歎尊者迦葉告諸比丘佛般涅槃眾火雲
集此處妨闢我等宜向閑靜之處撰集經法於是乃
與五百羅漢向王舍城尊者阿難將弟子婆闍弗哆
遊行婆利闍聚落時彼聚落四部之眾聞佛涅槃皆
生悲苦悶絕懊惱阿難見已生哀愍心昇師子座爲
說法要解喻其意時有弟子婆闍弗哆觀其和上尊
者阿難猶是學人未得羅漢卽向阿難而說偈言不
以非安靜樹下坐又寂滅證涅槃瞿曇應入定
將非莫修放逸行非不久得寂滅以涅槃清淨法
婆闍弗哆說如此偈覺悟阿難阿難聞已竟夜經行

坐禪念定於後夜初右脇亞地頭未到枕豁爾意解
得阿羅漢卽向王舍城尊者摩訶迦葉亦將五百羅
漢到王舍城阿闍世王韋提希子聞迦葉將五百羅
漢在王舍城莊嚴城池修治道路出城往迎王先獲
得無根信故見世尊時自投象下今見尊者摩訶迦
葉亦投象下尊者以神通力接令無患卽語王言如
來神足捷疾不似聲聞聲聞極用功夫方得神足自
今已往若見我等莫投象下如見佛時王言唯然受
教時阿闍世王五體投地頂禮尊足合掌而言如來
涅槃我不得見尊者涅槃必使我見答言爾許可王

已卽告王言我今欲集如來法眼唯願大王爲我檀越王言願諸比丘終身受我房舍卧具病瘦醫藥衣服飲食尊者迦葉卽便印可往至竹林作是念言此中多饒房舍多諸比丘或能妨闢畢鉢羅窟房舍卧具不多不少當於彼中撰集法眼於是迦葉卽共五百羅漢至畢鉢羅窟敷卧具坐而作是言未來比丘少憶念力我等於日前集法句偈於其食後當集法眼時諸比丘五百羅漢等悉皆已集而作是言我等先集何法尊者迦葉答言先集修多羅諸比丘言今此眾中誰可使集修多羅者迦葉言阿難多聞第一

諸修多羅藏阿難盡持我等今共問於阿難而修集
之卽告阿難言阿難法眼者是佛所出諸多聞者去
世已盡守法藏者唯汝一人今當集法汝可說之阿
難言如尊者語卽上座前觀察眾心而說偈言

比丘所行道

離佛不莊嚴

如似虛空中

眾星之無月

眾僧中無佛

醜陋亦如是

說是偈已禮上座足卽昇高座心自念言有修多羅
從佛聞者有修多羅從聲聞聞者尊者迦葉卽便問
言佛於何處最初說修多羅阿難荅言如是我聞一
時佛住波羅柰鹿野苑中古仙住處爲五比丘三轉

法輪此苦聖諦如是廣說尊者憍陳如便作是念昔
本佛爲我說如是法今阿難說與本無異卽從座起
在地而坐說是偈言
猶爲無常風 漂流而不住
吹沙亂空中
猶是咄哉諸有苦 以迴動如水月自不堅如芭蕉
綠

譬如幻影響 如來大雄猛 功德盡三界

猶爲無常風 漂流而不住 吹沙亂空中

五百羅漢聞是偈已皆從座起在地而坐尊者摩訶
迦葉告諸比丘阿難所說爲是實不皆荅言如是阿
難如是乃至廣說修多羅藏尊者迦葉心復念言今
當使誰說於毗尼又念尊者優波離佛說持律最爲

第一一切毗尼皆從佛受當問優波離撰集毗尼摩訶迦葉卽語優波離汝讀毗尼今欲撰集汝可說之優波離荅言爾迦葉問言佛於何處說最初戒荅言在毗舍離國因須達迦蘭陀子制於初戒如是第二第三乃至廣集毗尼藏尊者迦葉作是念我今當自誦摩得勒伽藏卽告諸比丘摩得勒伽藏者所謂四念處四正勤四如意足五根五力七覺八聖道分四難行道四易行道無諍三昧願智三昧增一定法百八煩惱世論記結使記業記定慧等記諸長老此名摩得勒伽藏集法藏訖尊者迦葉而說偈言

以此尊法輪濟諸羣生類而十力尊所說
八敗皆當勤奉行此法是明燈若壞破諸黑闇各
無明之障翳無攝心莫放逸三劫曾一安去百
尊者阿難作是念言佛臨涅槃時作是語若捨細
微戒僧得安樂我今當向僧說是語尊者阿難向止
座頭合掌說言我親從佛聞作是言若捨細微戒僧
得安樂住尊者迦葉告阿難言何者是細微戒汝問
佛不荅言不問迦葉語言汝不問此事犯突吉羅罪
阿難荅言我本不以無慙愧故而不問也我以憂惱
故不問耳又復告言汝更有過佛臨涅槃時從汝索

水而汝不與汝亦是犯突吉羅罪阿難答言我實不
以無慚愧故而不取水直以爾時有五百乘車新入
水過使水擾濁是以不取又復告言汝亦曾以足躡
如來金色衣上亦是汝罪阿難答言我實不以無慚
愧心更無比丘共捉此衣迦葉言若無人共捉何不
仰擲空中若擲空中諸天自當取之汝更有過如來
爲汝說言若比丘善修四如意足者則能住壽一劫
半劫如意足中我最善修如是三說汝時默然而不
請佛久住於世此亦是汝犯突吉羅罪阿難答言我
非無慚愧爾時惡魔蔽我心都不覺知又復告言汝

更有過汝以如來陰馬之藏示諸女人亦是汝罪阿
難答言我不無慚愧故示諸女人所以示者欲使女
人厭患女身求男子身又復告言汝更有過汝昔慇
懃勸請如來度諸女人令使出家亦是汝過阿難答
言我實不以無慚愧故強勸如來所以勸者我聞過
去諸佛皆有四部眾是故勸諸尊者迦葉使阿難作
六突吉羅懺悔訖告諸比丘言我等不應捨微細戒
何以故諸比丘當言七滅諍是微細戒復有比丘當
言眾學法是細微戒復有比丘當言四波羅提提舍
尼法是細微戒復有比丘當言波夜提是細微戒若

捨此細微戒諸比丘當言捨二不定法十三事乃至
四事一切皆捨諸外道若聞當言瞿曇沙門所有之
法如似於煙隨佛在時修持諸戒佛涅槃後諸比丘
等欲持者持欲捨者捨尊者迦葉告諸比丘言佛作
是語我所制者皆悉制之我所不制者慎莫制之如
我所制不增不減諸比丘等當奉禁戒使善法增長
不善法者當令永滅以是義故佛所制戒皆應護持
若如是者法得久住思惟此語則知此法之妙也
摩訶迦葉涅槃因緣經第八葉自念以來具持大善
尊者迦葉集修多羅及阿毗曇毗尼已訖人願智巨

昧觀所集法藏無闕少不思惟已訖知無闕少五百
羅漢亦人願智如是觀察迦葉自念如來是我大善
知識當報佛恩報佛恩者所謂佛所欲作我已作訖
以法饒益同梵行者爲諸眾生作大利益示未來眾
生作大悲想欲使大法流布不絕爲無慚愧者作擯
羯磨爲慚愧者作安樂行如是報恩皆悉已竟重作
思惟我極年邁身爲老壞臭爛之身甚可厭患涅槃
時到尊者迦葉以法付囑阿難而作是言長老阿難
佛以法藏付囑於我我今欲入涅槃以法付汝汝善
守護阿難合掌答尊者言唯然受教時王舍城有一

長者生一男兒合衣而出衣名商那卽名此兒爲商
那和修以漸長大將入大海迦葉語阿難言商那和
修發意入海得寶來還欲作般遮於瑟若作會已汝
度令出家以法付囑迦葉付囑阿難佛法已作是思
惟我今應當至於大悲難行苦行婆伽婆善知識無
量淨善功德之所熏修真妙舍利所在之處皆自往
至禮拜供養便飛至四塔所極上恭敬禮拜已復更
往八大舍利塔所禮拜供養如大鴈王飛至大海莎
竭羅宮敬禮佛牙敬禮佛牙已向於天主如金翅鳥
屈伸臂頃至忉利天時釋提桓因與諸天眾禮拜供

養尊者迦葉已釋提桓因觀察摩訶迦葉而作是言
尊者今來欲供養舍利而入涅槃故來至此迦葉答
言我今欲來敬禮如來牙禮如來髮如來天冠如來
鉢今者是我最後供養時釋提桓因及諸天等聞最
後語低頭悲慘憂愁苦惱釋提桓因自取佛牙恭敬
授與尊者迦葉尊者迦葉舉著額上以牛頭栴檀曼
陀羅華供養佛牙供養已語諸天眾慎莫放逸作是
語已從彼天沒還王舍城時尊者阿難受付囑已恒
常隨逐未曾捨離畏入涅槃或不覩見是故隨逐尊
者迦葉語阿難言汝獨入王舍城乞食我亦欲獨入

王舍城乞食尊者阿難於中前著衣持鉢入王舍城
乞食以三種善事一以真善色根二以多聞總持真
善說法能令聽者無有厭足三以阿難之名真善利
益尊者摩訶迦葉亦中前著衣持鉢入城乞食作是
念阿闍世王本與我有要誓涅槃時必當語我我今
當往卽到阿闍世王門中語守門人言爲我白王摩
訶迦葉今在門外欲見於王守門人言王今眠睡尊
者復言可覺語之守門人言王甚難惡不敢覺之後
自覺時我當白語尊者復言今若覺者好爲我語摩
訶迦葉欲入涅槃故來相語於是尊者迦葉至雞腳

山三岳中坐草敷上跏趺而坐作是念言我今此身
著佛所與糞掃衣自持已鉢乃至彌勒興世之時令
不朽壞使彌勒弟子皆見我身而生厭惡尊者迦葉
作是念言若阿闍世王不見我身沸血當從面出命
不存濟尊者迦葉已捨命行唯留少壽卽時大地六
種震動尊者迦葉將欲入定作是念言若阿難阿闍
世王來時山當爲開令其得入若還去時山復還合
釋提桓因將數萬諸天以天曼陀羅華天末香供養
尊者摩訶迦葉舍利禮拜供養已山卽自合覆尊者
身釋提桓因見尊者迦葉放捨身命心中惱熱如來

涅槃若惱少息今日尊者迦葉入於涅槃將復重苦
畢鉢羅窟神聞尊者涅槃作如是言今日此窟即便
空曠摩竭國界悉皆空寂里巷窮酸苦厄羸劣貧賤
之者彼恒悲愍爲作利益今彼諸苦厄之眾失於覆
護從今已去遂當貧窮乏於善法今日法岳崩壞法
船已沒法樹已摧法海枯竭今日諸魔得大歡喜一
切天人哀摧悲泣讚已卽還天上尊者阿難乞食已
訖深自思惟諸行無常時阿闍世王夢天梁折壞覺
已心生驚怖守門者來白王言向者摩訶迦葉故來
白王欲入涅槃王聞是語悶絕躡地以水灑面小得

醒悟於是王卽詣竹園禮阿難足白言尊者迦葉今日欲入涅槃阿難荅言已入涅槃王復問言示我尊者身處我欲供養於是阿難將王向雞足山王旣至已山自開張王與阿難卽見尊者天曼陀羅華天末香牛頭栴檀覆其身上阿闍世王卽舉兩手舉身投地從地起已索栴檀薪阿難問言欲作何等荅言欲闍維尊者阿難言尊者摩訶迦葉以定住身待於彌勒不可得燒彌勒出時當將徒眾九十六億至此山上見於迦葉爾時眾中皆作是念聲聞身小彼佛亦然皆生輕想摩訶迦葉踊身虛空作十八變變身爲

大卽時彌勒從迦葉取釋迦文佛僧伽梨當摩訶迦
葉現神變時九十六億沙門見其身小道德充備神
通如是深自慚愧憍慢心息皆成羅漢阿闍世王設
供養已卽便還去阿難亦去二人去後由自還合阿
闍世王合掌白尊者阿難言如來涅槃我不得見尊
者迦葉入於涅槃我亦不見若尊者入涅槃時必使
我令見阿難荅言爾至後商那和修安隱得還安置
珍寶而向竹林時尊者阿難在精舍門前經行商那
和修直向阿難所禮阿難足在東面立作是言我本
發意入海期安隱還當爲佛及僧作般遮於瑟令佛

在何所尊者荅言佛已入涅槃卽時悶絕躡地以水
灑面還得醒悟又問尊者舍利弗目犍連摩訶迦葉
爲何所在荅言盡入涅槃商那和修白阿難言大德
我欲作般遮於瑟尊者荅言可隨意作乃作般遮於
瑟訖阿難語言汝已作財施今可作法施問言尊者
欲使我作何等法施尊者荅言於佛法中出家是名
法施商那和修荅言爾爾時阿難卽度命使出家爲
受具足乃至爲白四羯摩商那和修言我本生時著
商那衣我今盡形受持此衣卽得總持阿難所持八
萬四千法藏悉能受持得阿羅漢三明六通具知三

藏尊者阿難在竹林園中聞一比丘誦法句偈言若
人生百歲不見水老鶴不如生一日得見水老鶴尊
者阿難在傍邊過已語言子佛不作是說佛所說者
若人生百歲不解生滅法不如生一日得解生滅法
阿難語言子有二種人謗佛何等爲二一者多聞不
解義理空無果報二者顛倒解義是名爲毒若解正
義得涅槃果彼比丘往至和尚所而白師言尊者阿
難道此偈非是佛語彼比丘和尚言尊者阿難老朽
忘悞汝但如前讀誦阿難還來聞讀此偈如前不異
阿難語言子我不語汝佛不作是說耶比丘荅言我

和尙言阿難年已老耄不憶此語汝但如本讀阿難
思惟言我躬自爲說終不信受阿難入定觀頗有比
丘能使此比丘改是語不亦復無有能使改者舍利
弗目犍連摩訶迦葉皆入涅槃我今當向誰說如此
事我亦當入於涅槃佛之法眼足千年住我今但當
涅槃我同學善伴久已過去今日親厚莫過身念處
尊者阿難語商那和修佛以法付囑尊者迦葉迦葉
以法付囑於我我今欲入涅槃汝當擁護佛法摩突
羅國有優留曼荼山當於彼立塔寺時有長者兄弟
二人一名那羅二名跋利佛記此二檀越當於此優

留曼荼山造僧阿練若處摩突羅國有長者名毘多
當生一子名優波毘多汝好度使出家佛記此人我
百年後當大作佛事商那和修荅言唯然受教尊者
阿難付囑商那和修佛法已於晨朝著衣持鉢入城
乞食而生念言阿闍世王與我有要我今當往辭阿
闍世王卽到阿闍世王門語守門者言汝往白王阿
難今在門外欲得見王時守門人見王眠睡還白尊
者阿難言王今眠睡阿難語言汝往覺之荅阿難言
王甚性惡我不敢覺又復語言王若覺時可白王言
阿難今者欲入涅槃故來語王尊者阿難乞食食訖

思惟我若於王舍城入於涅槃阿闍世王與毗舍離
常不相能阿闍世王以我舍利不與毗舍離我若毗
舍離入涅槃者毗舍離人以我舍利亦不與阿闍世
王二國共諍於理不可我今於恒河中當入涅槃尊
者阿難往詣恒河所阿闍世王夢見爲王捉蓋之人
折於蓋莖王夢見已恐怖卽覺守門者言向者阿難
故來辭王欲入涅槃王聞此語悶絕躄地以水灑面
還得醒悟王醒悟已問言阿難去可近遠欲在河邊
入於涅槃時竹林園神來語王言阿難向毗舍離入
般涅槃王聞此已卽集四兵往詣恒河毗舍離神語

毗舍離人尊者阿難向此涅槃毗舍離人聞神語已
卽集四兵往趣恒河旣至河口尊者阿難乘船在於
恒河中流阿闍世王見尊者時頭面禮足合掌而言
如來三界明燈已棄我去汝是我明燈是我歸依願
見哀愍莫見棄捨入於涅槃毗舍離人禮尊者阿難
足合掌而言唯願尊者在毗舍離入般涅槃尊者阿
難欲入涅槃卽時大地六種震動時雪山中五百仙
人皆具五通而作是念今此大地以何因緣六種震
動觀見阿難欲入涅槃是以大地六種震動彼仙人
中有一導首將五百仙人翼從而來至阿難所敬禮

其足合掌而言聽我出家阿難心念言我諸賢聖弟子今當來至作是念已五百羅漢自然來至尊者阿難化彼河水變成金池乃至五百仙人出家皆得羅漢是諸仙人在恒河中受戒故卽名爲摩田提所作已辦得阿羅漢禮阿難足合掌而言佛最後弟子須拔陀先佛涅槃我今亦是阿難最後弟子欲入涅槃不忍見於和尚涅槃尊者阿難語言世尊以法付囑於我而入涅槃我今亦付囑汝之佛法而入涅槃汝等當於罽賓國中豎立佛法佛記我涅槃後當有摩田提比丘當持佛法在罽賓國尊者阿難以法付囑

摩田提比丘已踊身虛空作十八變令諸檀越作喜
樂心已天風奮迅三昧分身爲四分二分向忉利天
與釋提桓因一分至大海中與莎竭羅龍王一分與
阿闍世王一分與毗舍離諸梨車等如是四處各皆
起塔供養舍利小交尊皆受雨普大新中又口中出
摩田提因緣第九山摩田提與山巖樹山爲始金交尊
摩田提作是念言和尚阿難付囑我佛法使我以佛
法安置罽賓國時罽賓國有一大龍先在彼住摩田
提卽向罽賓國結跏趺坐作是念若不惱觸龍此龍
終不可降卽時入定令罽賓國六種震動龍瞋恚而

起放雷電霹靂雨大雹雨尊者摩田提入慈心三昧
乃至不能動衣一角況能動身化彼雷電霹靂及以
大雨作鉢頭摩華拘物頭華分陀利華優鉢羅華龍
復雨於劔輪刀稍種種器仗摩田提復化作七寶復
雨大樹復雨大石山摩田提化彼樹山爲飲食衣被
復注大雨七日七夜尊者接雨著大海中又口中出
火欲燒尊者尊者變火爲真珠彼復化作數千龍身
尊者化作數千金翅鳥龍見金翅鳥恐怖走來至尊
者所問言尊者欲何所爲荅言可受三自歸龍復問
言欲作何事尊者荅言與我此處龍言不與尊者復

語龍言佛臨涅槃時記此國當作安隱坐禪之處龍
問言是佛所記耶答言是佛所記龍問言欲得幾許
地答言欲得一坐處摩田提卽時現身滿闍賓國踞
趺而坐龍問言用爾許地爲答曰我今有諸伴黨卽
復問言有幾伴黨答言有五百羅漢龍言若減一人
還歸我土尊者入定觀於佛法隨幾時住世此阿羅
漢常能滿足五百不耶觀必常有五百不減答言爾
龍言與之尊者將無量人來入此國自安村落城邑
摩田提將人飛向香山中欲取鬱金種來至闍賓種
之時香山龍瞋恚護之龍復問言須幾時種答言隨

有佛法時問曰佛法幾時答言佛法千歲龍言隨有
佛法時與汝鬱金摩田提作是念我和尚約敕我以
佛法著罽賓國廣作佛事我已作竟今涅槃時到即
踊身虛空作十八變使諸檀越得歡喜心而大饒益
同梵行者譬如以水滅火入於涅槃以梅檀薪燒訖

收骨起塔

阿育王傳卷第三 終

音釋

挽 武遠切

翹 祈堯切

洄復 洄胡隈切復房六

棧 越房

切簿稍 色角切

筏也屬

阿育王傳卷第四 支那俗與糧文詰報支那言今何
藥而台西晉安息國三藏安法欽譯商派
商那和修本緣第十人相與對劫劫劫劫劫劫劫
尊者阿難將入涅槃商那和修向摩突羅國於其道
中到云寺邊名爲毗多會值日沒卽宿彼寺時此寺
中有三摩訶羅比丘共論議言我昔聞商那和修作
是言若有比丘小戒不犯是名勝戒聞事都盡更無
異聞名爲多聞商那和修聞此言已語摩訶羅言商
那和修不作是語其所說者作如是言見清淨者名
淨持戒持戒淨者名第一戒如聞而行名爲多聞不

如汝言摩訶羅言汝是商那和修耶答言我是摩訶
羅問言汝以何緣名商那和修汝爲受持商那衣故
名商那和修爲以過去善業緣故名商那和修尊者
答言以直因緣名商那和修一以受持商那衣故二
以過去善因緣故名商那和修又問言曰過去因緣
其事云何尊者答言過去之時波羅柰城有一商主
與五百商人共入於海道中見有一辟支佛身有病
患時此商主共諸商人卽便停住隨醫所教飲食湯
藥而治辟支佛辟支佛以漸得瘥時辟支佛著商那
衣商主卽便諮辟支佛欲與氎衣語辟支佛言今可

捨是商那之衣著此氎衣辟支佛答言我以此衣出家亦以此衣得道今當以此商那之衣而入涅槃商主語言唯願尊者莫般涅槃共我入海入海還來我當終身供給尊者飲食卧具病瘦湯藥辟支佛言我今不能入於大海子好發歡喜當大得功德於商主前卽飛虛空作種種變而入般涅槃爾時商主卽我身是我以供養彼舍利訖卽發正願使我未來遭值聖師復過於是百千萬倍如今聖師所得功德我悉得之使我將來所生之處威儀法則及以衣服如辟支佛以是願故生便常著商那衣服乃至出家亦常

著之壇上盡形受持是衣卽便問言云何受持是衣
荅言我受具戒時求盡形受持是衣以是義故名之
爲受摩訶羅言汝名真好尊者商那和修漸漸到摩
突羅國於優留曼荼山踟趺坐時此山有二龍子兄
弟相將與五百眷屬俱尊者商那和修作是念言若
不惱觸此龍龍終不起卽作神變動優留曼荼山龍
瞋卽放大惡風雨趣尊者所爾時尊者入慈心三昧
慈三昧法蠱毒水火不能傷害亦如尊者摩田提降
龍之法龍子生於未曾有想卽發信心白尊者言欲
何約敕尊者荅言聽我於此作眾僧住處龍言不聽

尊者商那和修言佛記涅槃後優留曼荼山當有阿
練若住處名那羅跋利吒坐禪第一龍子言是佛所
記耶答言實是龍言若是佛所記者隨意聽作尊者
入定觀察檀越爲出未也知已出世便卽於晨朝著
衣持鉢入摩突羅城次第乞食至長者那羅跋利門
中語長者言汝與我錢我今欲於優留曼荼山作阿
練若住處長者言我何故與汝錢耶答言佛本記言
我涅槃後摩突羅國中有十長者兄弟三人一名那
羅正名跋利於優留曼荼山作阿練若住處佳處卽
名爲那羅跋利長者言佛所記耶答言是佛所記於

是長者卽出其錢於彼山中作僧住處遂名爲那羅
跋利精舍商那和修入定觀察毘提長者爲出生未
也觀其已生復觀毘提彼生子未猶未生子以漸教
化毘提使向佛法尊者商那和修化彼之時將多比
丘往入其家後以漸將少乃至獨已一身往至其家
長者言尊者無有無比丘將至我家耶答言我等無
有奉侍供給之人若信樂出家者隨逐我後毘提言
我身樂世俗未能出家逐尊者後若生子者當使出
家共相供給尊者言汝好憶是語慎勿忘之毘提後
便生一子字阿失波毘多以漸長大尊者言汝先言

要有子與我今已有子可以與我聽使出家答言我
唯有昔子不得相與若更有子當與尊者言爾後生
亦乎密檀泥龜多以漸長大尊者言汝先有言要若
更有子許當與我今已有子應當與我聽使出家龜
提答言我一子當守護錢財一子在外聚歛錢財更
有第三子當與阿闍梨尊者言爾如是不久生第三
子端正殊特出過於人貌如諸天卽立名字爲優波
龜多以漸長大安著賣香肆止案理市賣夫得宜利
尊者觀龜提爲生子未見已生子便往到龜提所語
言汝先言要若有第三子許當與我今已有子應當

與我聽其出家瓠提言若不斷我利便與尊者度令
出家當爾之時魔王遍告摩突羅國可詣瓠多市買
因魔告故遂多人市極夫得利尊者和修往優波瓠
多所優波瓠多於市賣香尊者見已而語之言子汝
於市買中爲淨心爲不淨心優波瓠多答言我不知
云何名爲淨心云何名爲不淨心耶尊者和修言汝
與貪欲瞋恚心相應名爲不淨心不與相應名爲淨
心子若能知心所緣處者若心緣不善者以黑石左
邊著若心緣善者以白石右邊著教瓠多念佛及不
淨觀初日二分黑石一分白石第二日半黑半白以

漸乃至純白無黑純善心無惡心如法斷事無非法
斷事摩突羅城有姪女名婆須達多其婢於優波毘
多邊買香姪女瞋言汝爲偷來何邊多得是好香耶
答言是大家我實不偷有毘提子名優波毘多性好平
等如法市買姪女卽於優波毘多生欲著心遣婢往
語優波毘多言我大家無所須遂欲得相見毘多答
言非是相見時婆須達多姪女先來常法得五百金
錢與人一宿姪女更遣婢語毘多言我不用一錢可
暫來與我相見時有大長者子先共姪女夜宿北
方有賈客主大齋珍寶至摩突羅國賈客主問人言

此城中誰是最第一姪女有人答言有婆須達多姪
女爲最第一得五百金錢與人一宿賈客主聞是語
已卽持五百金錢著好衣服瓔珞往至姪女所時彼
姪女貪此賈客五百金錢故殺大長者子埋著屋裏
長者子眷屬推覓至姪女家發掘得之乃至啓王言
姪女婆須達多殺長者子王言捉姪女婆須達多剗
其耳鼻截其手足推著塚間優波鞠多聞是事已而
作是言彼女本以色聲欲樂因緣喚我今被割耳鼻
截其手足若欲往者今正是時其本莊嚴衣服示現
貪慾不宜往彼今爲貪慾解脫者應往彼看優波鞠

多將一侍者往到塚間婢以舊恩義故爲其驅烏婢
語大家言優波鞞多來姪女語婢捉我耳鼻手足相
近皆使相著以氎覆上優波鞞多在前而立婆須達
多語優波鞞多言我平安時遣人喚汝汝言非是時
今日我受困厄身被剪削何以看我尊者鞞多答言
姊妹我不以欲事來至汝邊我欲知慾實相故來爲
貪慾所盲者不見汝實相汝本以色欺誑世間今還
住本實相薄皮覆其上血澆肉塗于筋以纏縛于脉
通肥膩觀外如似好觀內穢惡充滿外假香熏遮內
穢惡臭氣充滿汗淚垢臭水洗以遮之若能聽佛語

欲能生怖畏憂愁苦惱百千種患皆從貪慾生慾爲
智者訶若能捨慾穢卽時得解脫遊於八正路獲得
於涅槃姪女婆須達多聞是語已厭惡三有於佛法
中生信敬心語優波瓠多言如汝所說智者所稱可
法實相亦然唯願悲愍爲我說之優波瓠多卽爲說
四諦法輪苦諦如鎔鐵集諦如毒樹滅諦斷癡愛八
聖道爲出要又復苦者如毒如癰如瘡生苦老苦病
苦死苦愛別離苦怨憎會苦求不得苦五盛陰苦苦
苦行苦壞苦總而言之三界受生皆亦是苦優波瓠
多觀察姪女身體實相離欲見諦得阿那含婆須達

多聞法得見諦得見諦已讚毘多言善哉善哉汝今
爲我以閉三惡道開善趣門向涅槃徑我今歸依佛
法僧優波毘多爲說法已卽便還歸還歸不久婆須
達多命終卽生忉利天時有天神語摩突羅人優波
毘多爲婆須達多說法得須陀洹命終得生忉利天
國人聞已取婆須達多身種種供養時商那和修至
毘提所而語之言與我優波毘多度使出家答言使
我得利不絕當令出家尊者商那和修以神通力使
毘提得利不絕毘提日日稱量得利不絕故不欲放
商那和修言佛記優波毘多我涅槃百年之後當施

作佛事汝當放使出家邈提卽便聽使出家尊者商
那和修將優波邈多向那羅跋利阿練若處與受具
足白四羯磨訖得阿羅漢商那和修語優波邈多言
佛記汝我百年後當有比丘名優波邈多雖無相好
而作佛事我聲聞中教授坐禪最爲第一今正是時
汝好作佛事優波邈多言唯然受教優波邈多欲於
摩突羅國欲大說法國人聞優波邈多說法百千萬
人皆來雲集優波邈多觀如來說法時諸人坐法云
何皆如半月坐今日亦使四眾如半月坐觀佛云何
說法佛先說於施論戒論生天之論欲爲不淨出世

爲要如諸佛常法說四聖諦優波瓠多亦如諸佛次第說法欲說四諦魔卽雨眞珠珍寶壞亂衆心使無一得道尊者優波瓠多觀誰所作知魔所作後日無央數人間優波瓠多說法雨眞珠珍寶皆欲來取以是因緣衆人多來第二說法復雨金寶乃至無一人得道尊者入道觀察爲誰所作知魔所爲第三日國土人盡來雲集聞尊者說法初雨眞珠第二雨金寶第三日魔王化作天女作天妓樂惑亂人心未得道者心皆惑著於天樂乃至無有一人得道如是魔大歡喜而作是言我能破壞優波瓠多說法尊者優波

毘多在樹下坐入定觀察是誰所作魔便以曼陀羅
華作華鬘著優波毘多項上尊者卽觀是誰所作方
乃知是魔之所作尊者優波毘多作是念魔數數壞
亂我說法佛何以不降伏彼觀佛本意欲使優波毘
多而調伏之以是故佛不降伏尊者觀魔可調伏時
至未卽知今正是時尊者優波毘多以三種死屍一
者死蛇二者死狗三者死人以此三種化作華鬘卽
往魔所魔見歡喜而作是言優波毘多於我亦不得
自在魔卽伸頭受其華鬘優波毘多以三屍結於魔
項魔見三屍著項而作是言豈應捉是死屍著我項

許耶尊者言如比丘不應著華鬘而汝著之亦如汝
不應以死死屍結項而我結之今可隨汝力所作汝今
何爲而與佛子共鬪如大海波浪觸摩梨山魔卽自
欲挽此屍卻如似蚊蚋欲移須彌不能令動魔欲解
項死屍亦復如是魔大瞋恚踊身虛空而作是言我
雖自不能得解脫我諸天足能解之優波毘多語魔
言汝向梵天釋提桓因毗沙門天向魔醯首羅天婆
婁那天乃至入於大火不能令燒入於大水不能爛
彼諸天等欲解汝縛永不能得於時魔王不用尊者
之言尋至彼諸天所求請解縛然諸天等皆云不能

乃至到梵天所合掌言爲我解卻梵天荅言十力世
尊弟子所作我力微弱終不能解假使毗藍猛風不
能吹卻寧以藕絲懸須彌山欲解此縛無有是處魔
語梵王言汝不能解我當歸誰梵王語言汝疾皈依
優波鞠多乃可得脫如因地而倒還扶地而起若不
皈依則壞汝天上之樂壞汝名稱尊貴一切諸樂魔
見如來弟子勢力大梵天王猶言語恭敬佛之勢力
何可度量若欲加惱於我何事不能大悲憐愍故不
加惱於我今日始知如來具足大悲成就大悲得眞
解脫我爲無明所盲處處觸惱然佛慈悲平等未曾

惡語加我受梵王語已卽時破除僣慢之心往優波
鞠多所五體投地長跪合掌白尊者言大家汝可不
知我欲菩提樹下乃至涅槃於如來所多作惱亂尊
者問言汝作何事荅言昔佛於婆羅門聚落乞食我
掩蔽眾心便不得食佛以不得食故卽說此偈
此等快樂無著積之身體安輕便
若能於飲食
此等心不生貪著來其心常歡喜
猶於光音天
復於耆闍掘山化作大牛破五百比丘鉢
唯有佛鉢
飛在虛空我更於異時化作龍形纏縛佛身
七日七
夜佛臨涅槃時我化作五百乘車擾濁河水
令佛不

得飲酪而言之乃至數百觸惱如來如來慈愍乃至
不以一惡言而見輕毀汝阿羅漢無悲忍心於天人
阿修羅前毀辱於我優波鞠多荅言波旬汝無知見
捉我聲聞比度如來不可以芥子同彼須彌螢火之
光等於日月一滴之水同於大海如來大悲聲聞所
無佛大悲悲故不治汝聲聞之人不同於佛故我治
汝魔言以何因緣我從忍辱仙人已來乃至成佛所
作惱亂恒見慈愍而不加害荅言有不善因緣於佛
造惡心此罪雖積佛不毀汝所以爾者意欲令我調
伏於汝使汝於佛得信敬心由是心故不墮地獄餓

鬼畜生佛以是事故初不會以一言毀汝是故於汝
恒生悲心佛以善巧方便欲使汝生於信心由是少
信因緣能得涅槃略而言之汝善於佛生少信心以
此信心洗除昔來數於佛所惱觸之罪悉皆得滅魔
聞是語身心踊躍如迦曇華樹從根次莖乃至枝條
魔王歡喜舉身毛豎佛爲大慈從樹王下乃至涅槃
慈忍於我如父母念子原除我過魔王於佛法生歡
喜心卽起合掌白尊者言汝能使我生歡喜心是汝
大恩今日當爲我解是三屍答言先當與汝作要然
後乃當爲汝解之從今日後至於法盡更不聽汝惱

亂比丘魔言當受尊教復語魔言當更爲我更作一事我雖已見如來法身不見如來妙色之身爲我現佛色身使我生愛敬心若作此事是名爲上答言我亦先與尊者作要我若現佛身時汝慎勿爲我作禮所以然者如似伊蘭生樹死爲大象之所踐蹋尊者言爾我不禮汝魔言小待我入林中我本曾作佛形誑首羅長者彼時所作今爲汝作尊者卽爲解於三屍尊者優波鞠多作見佛想魔卽入林化作佛身如似綵色畫新白氎作佛身相看無厭足作佛形已右邊化作舍利弗像左邊化作大目犍連阿難在後摩

訶迦葉阿菟樓豆須菩提等千二百五十大阿羅漢
等圍繞侍從以漸從林而出至優波鞠多所尊者爾
時卽起合掌諦觀而說偈言
何言咄哉無常精不無悲愍心云何能壞如是而并
良正上妙色身言曾答云何意然言要曾答問言數
佛身爲如此乃爲無常壞身心極著作見佛想尊者
合掌復說偈言喜 出莊當不遊

快哉清淨業 能成是妙果 非自在天生

亦非無因作 面色喻蓮華 目淨如明珠

端正過日月 可愛勝華林 湛然若大海

安住如須彌 威光勝於日 徐步踰師子

顧視如牛王 色澤踰紫金 百千無量劫

淨修身口意 以是故獲得 如此勝妙身

合掌怨見尙歡喜 況我當不敬

尊者說是偈已觀佛心至忘不憶本要忽然卽時投
身五體禮敬魔言尊者云何違於言要尊者問言違
何言要魔言汝許不爲作禮今云何五體投地而作
禮也尊者言我知無上世尊久已涅槃見此形容如
似見佛爲佛作禮不禮於汝魔言眼見汝爲我作禮
云何言不尊者復言汝當聽我不違言要亦不向汝

作禮如似泥木造作於天像及佛像敬天佛故而爲
作禮不禮泥木我亦如是不能見佛心歡喜故便起
作禮不以汝想爲汝作禮魔卽還復本形禮敬尊者
而還天上第四日魔憶念尊者身自宣令恩德從天
來下欲破貧窮欲生天欲得涅槃當詣尊者優波瓠
多所不見如來大悲說法者亦當詣尊者優波瓠多
所摩突羅城中諸人聞尊者優波瓠多能調伏魔者
耆舊人民數千萬眾皆來向尊者所尊者見眾悉以
聚集卽上師子座說種種妙法令百千眾生得須陀
洹道斯陀含道萬八千人出家得阿羅漢道於優留

對華心善得解脫
前心得自在
慧立前策于言
此小尊者優波鞠多在摩夷羅國優留曼茶山那羅跋利阿練若處彼山間有一老虎生於二子老虎不得食尋復命終二子失母唯至窮困尊者優波鞠多往到其所所以食與之爲虎子而說偈言
尊者優波鞠多往到其所所以食與之爲虎子而說偈言
門唱諸行無常
外尊是生滅法
言下生滅滅已千
靈大寂滅爲樂
又平入滅尊皆由
是實法空索髮
日日與食與食之時其於耳中爲說此偈是三虎子壽命短促即便命終生摩突羅國婆羅門家尊者鞠多將比丘往返婆羅門家以漸漸少乃至獨到婆羅

門家婆羅門問言尊者何爲而獨來耶答言我出家
人無有僕從婆羅門言我婦懷妊若生男者當與尊
者後雙生二子尊者邈多往從索之婆羅門言小待
長大然後當與及年八歲尊者邈多復往從索婆羅
門卽以二子與於尊者第二子言可使我去二子諍
去尊者邈多語言此二子俱應得道婆羅門卽捉二
子付與尊者尊者得已度令出家獲阿羅漢道尊者
卽便與使採華答言簷葡樹高不能得及尊者語言
汝等是天豈無神足時二沙彌卽處空中經行樹上
採華尊者邈多與諸弟子共一處立諸弟子言此小

沙彌乃有是神德乎尊者答言此是虎之二子汝等
先言何以與是虎食汝今看是虎子神力諸弟子聞
已乃解南天竺有一男子與他婦女交通母語兒言
與他交通是大惡法姪慾之道無惡不造聞是語已
卽殺其母往至他家求彼女人竟不獲得心生厭惡
卽便出家不久受持讀誦三藏經教習徒眾多諸弟
子將其徒眾至尊者毘多所尊者知其犯於逆罪竟
不與語而作是念犯逆之人無有道果尊者毘多不
與語故卽將徒眾還歸本所尊者優波毘多有五百
凡夫弟子譏嫌和尚度摩訶羅三藏法師將諸徒眾

而不共語尊者毘多觀是五百弟子與我無緣於我
和尚有度因緣卽便生心念其和尚商那和修以大
神力來到那羅跋利阿練若處至毘多房中毘多不
在唯有弟子見商那和修著麤弊衣鬚髮甚長而作
是言我和尚與如是摩訶羅共之親善三藏法師而
不共語尊者商那和修至優波毘多座處而坐毘多
弟子生瞋嫌心欲驅尊者商那和修商那和修如彼
須彌不可移動欲出惡語舌不能轉便共往至尊者
毘多所而自言有摩訶羅比丘在和尚卧處坐毘多
答言除我和尚更無有人能坐我座優波毘多還房

見尊者商那和修頭面著地接足作禮在前而坐優
波瓠多弟子念言今我和尙雖復禮拜恭敬其師彼
之所有知見神力不如我和尙尊者商那和修觀優
波瓠多諸弟子等除憍慢心不卽知其心猶以已和
尙爲勝尊者商那和修舉手指虛空中得滿手乳問
優波瓠多言是何三昧相尊者瓠多入定觀察不知
本末卽問師言是何三昧相尊者和修答言此是龍
奮迅三昧優波瓠多言我之所得盡從和尙受得唯
是三昧我非其器尊者商那和修語瓠多言諸佛三
昧一切緣覺不識其名緣覺三昧一切聲聞不識其

名舍利弗三昧其餘聲聞不識其名目毘連所入三
昧其餘聲聞亦不識名我和尙阿難所入三昧我亦
不識其名我之三昧汝邈多亦不識名我入涅槃如
此三昧亦隨我滅七萬七千本生經亦隨我滅長萬
阿毗曇亦從我滅邈多弟子始憍慢心滅作是念我
之和尙悉皆不如尊者商那和修於尊者所深生敬
重尊者商那和修隨其因緣爲說聽法皆得阿羅漢
商那和修語優波邈多言如來以法付囑尊者摩訶
迦葉迦葉便以付囑我和尙阿難和尙以法付囑於
我我今以法付囑於汝此摩突羅國有善男子名提

地迦汝當度使出家付其佛法卽時尊者商那和修
飛騰虛空作十八變便入涅槃尊者毘多將萬八千
羅漢供養舍利卽爲起塔

阿育王傳卷第四

終

音釋

諮

津私切
訪問也

蠱

公戶切
蠱毒也

劓

牛例切
刑鼻也

鎔

餘封切
鎔鑄也

癰

於容切
癰

疽

蚊蚋

蚊音文
蚋音芮

阿育王傳卷第五

西晉安息國三藏安法欽譯

優波鞠多因緣第十一

尊者優波鞠多在摩突羅國那羅跋利精舍阿練若處住時北方有一男子念佛出家讀誦三藏善能說法所到之處三契經揭然後說法後自思惟厭倦如此經唄之事欲求坐禪聞摩突羅國有優波鞠多雖無相好教授禪法最爲第一卽到其所合掌白言唯願尊者教我禪法尊者鞠多觀察此人必應現身獲得漏盡復更思惟此人今者應教何法而登聖位乃

知其人爲他說法當入聖位尊者毘多語彼比丘曰
爾隨我敕當教授汝比丘答言唯願奉教尊者語言
汝於今夜宜應爲人演說法教比丘卽更作三契唄
而欲說法問尊者言當說何法尊者答言當說多聞
有五事利益善解諸大善知諸陰善知諸入善知十
二因緣自善解了不從他受悟三契唄已說法已竟
便得阿羅漢毘多語言子擲籌著窟中充其一數爾
時宿_在城中有一商主名爲天護於佛法中生敬信
心恒樂施與欲入大海求於珍寶而作是言我今入
海安隱得還當於佛法作般遮於瑟護佛法神當擁

護我卽便發引到於寶所大取珍寶安隱迴還時有
羅漢比丘尼入定觀察彼長者竟爲作不觀見必作
重復思惟誰爲福田知有一萬八千羅漢二倍學人
及以生死持淨戒者當爲福田又觀此眾誰爲上座
而是上座爲是羅漢爲是凡夫知非羅漢乃至復非
須陀洹人乃是淨持戒人名阿沙羅我若發悟必受
我語卽往僧中語上座言上座何不好自莊嚴上座
意解謂嫌髮長衣服垢膩卽剃鬚髮淨自澡浴比丘
尼念言上座不解我語後日更至上座前亦作是言
何不自嚴飾上座謂爲衣色不正便更染衣而來僧

中比丘尼復至上座阿沙羅前又作是言何不好自
莊嚴上座瞋言我淨澡浴著新染衣有何不莊嚴比
丘尼言此非佛法中莊嚴佛法得須陀洹斯陀含阿
那含阿羅漢是名莊嚴又復問言上座汝聞天護長
者入大海還欲作般遮於瑟不上座荅言已知又問
福田之人可有幾許汝爲知不荅言不知比丘尼言
作福田者純阿羅漢有萬八千在學地人淨持戒者
二倍羅漢汝爲上座云何以此有漏之心最初受他
供養恭敬上座聞已便欲悲泣比丘尼言何以悲泣
上座荅言我今年老云何能得盡諸漏也比丘尼言

佛法現在令人得果不擇時節大善丈夫之所讚歎
但能修行必得盡漏一切時中常能與果上座今可
往那羅跋利阿練若處尊者毬多今現在彼當教授
汝於是上座便往其所尊者毬多卽出迎接以水與
之使令洗腳上座言不見長老優波毬多終不洗腳
諸弟子言此是毬多卽時洗腳而入尊者毬多教化
檀越作好飲食洗浴眾僧洗浴旣已優波毬多時使
維那打羯椎作是唱言恭敬解脫羅漢悉入禪坊時
阿沙羅睡不覺唱輒入禪坊入已復睡眾僧作制其
若睡者擎燈供養時阿沙羅最爲上座先在前睡維

那即便捉燈著前而三彈指阿沙羅覺起而擎燈巡
 坐供養尊者翹多人火光三昧萬八千羅漢亦皆同
 入火光三昧阿沙羅見已歎善覆自慚愧即說偈言
 和合共一處 跏趺如龍盤 咸皆在地敷
 定心而端嚴 皆入勝三昧 光明如燈樹
 稟形同是人 瞻仰所不及
 尊者見阿沙羅其心調順即授以法得阿羅漢與籌
 著窟中於是阿沙羅還於本國比丘尼見上座來而
 語之言今始端嚴上座答言蒙汝恩故今得端嚴爾
 時長者天護即作般遮於瑟聚集十六萬八千羅漢

復有二倍學人淨持戒者時此眾中阿沙羅最爲上座而爲呪願所施極少受果報勝長者問言佛種種說法云何九十日正見上座作此二語上座荅言子爲欲發汝本善根故汝今知不過去九十一劫毗婆尸佛時我之與汝俱爲商主莊嚴船舫得入大海大齋珍寶到於沙壇垣卽以珍寶聚於沙土爲毗婆尸佛作塔有天神言過七日已當有大浪水將汝安隱至閻浮提而作供養我之與汝以造塔緣九十一劫不墮三惡八難之處常生人天重以斯業又於今日我得羅漢而汝遭值最勝福田得供養是十萬八千

阿羅漢等此非小施果報極多也長者子生死長遠
何以不入佛法出家時長者子即便出家得阿羅漢
尊者優波鞠多在那羅跋利阿練若處爾時摩突羅
國有一婆羅門深著我見有優婆塞語婆羅門言何
處有我婆羅門言誰說無我法優婆塞言尊者鞠多
純說無我之法於是婆羅門即往阿練若處見尊者
鞠多與千萬眾前後圍繞而為說法尊者鞠多見婆
羅門已知其心念為說無我及無我所亦無有人亦
無丈夫無有眾生諸陰皆是生滅之法亦復皆是苦
空之法婆羅門聞說此法即斷身見悟須陀洹出家

學道得阿羅漢尊者毘多而語之言取籌擲著窟中
尊者優波毘多在摩突羅國時有一族姓子出家恒
患睡眠教授與法常復睡眠尊者教語遣令向阿練
若處坐一樹下覆復睡眠尊者毘多於其坐處周而
化作深千肘坑忽便驚覺極大惶怖心念和尙優波
毘多卽時尊者毘多化作一小徑得使通行便從中
過至尊者所教授已遣還本處去至樹下生大歡喜
和尙脫我深坑之難尊者卽立其前語言此坑不深
若墮三惡道坑又墮生老病死之坑甚深於此汝若
不見聖諦生老病死之坑復過於此汝聞此生老病

死坑已便離睡眠精進思惟得阿羅漢尊者毘多卽
遣擲籌使著窟中墮土空厥死之其甚略敘此功德
尊者優波鞠多在那羅跋利阿練若處時東方國有
一族姓子於佛法中出家學道善能營事所至到處
諸比丘眾皆共勸請使知僧事作如是言長老必營
僧事檀越因汝得生善根眾僧因汝獲得供養時彼
比丘厭倦多事不肯營理聞優波鞠多教授第一卽
往其所白言唯願尊者教授我法尊者觀察此是最
後身應獲道果唯福未具是以不得尊者語言若隨
我敕當教授汝答言唯然受教尊者語言汝當爲眾

僧勸化辦於供養白言尊者我未知此國誰有信心
者荅言汝但往化必有信心者比丘聞已便於中前
著衣持鉢入摩突羅城有一最勝長者見此比丘生
未曾有心便往禮敬而問之言阿闍黎欲須何物荅
言尊者邈多使我教化我今不知此中人民誰有信
心誰無信心長者言阿闍黎慎勿憂愁一切所須我
悉爲辦荅言明日欲供眾僧長者卽爲辦具比丘得
已在上座前長跪捉食眾僧上座卽爲呪願呪願已
訖得阿羅漢尊者邈多語使取籌擲著窟中人心止
尊者邈多在摩突羅國於那羅跋利阿練若處住時

南天竺有族姓子入佛法出家善解造作塔寺所行
來處諸比丘僧每常請作僧房塔寺其後不久心生
厭倦營務之事往詣優波鞠多所白尊者言唯願教
我禪定之法尊者觀察此比丘者必應現身盡漏得
道修福未足又復觀察以何事緣可得成道知彼事
要營造塔寺然後得道遂便語言能隨我敕當教授
汝荅言受教尊者敕言未作塔處今造塔寺未作僧
房處爲諸賢聖造作僧房白尊者言阿闍黎未知此
國誰信誰爲不信尊者語言汝足堪能但勸化去晨
朝著衣持鉢入城乞食見一長者長者接足爲作禮

敬而問之言阿闍黎從何處來答言我從南天竺來
長者問言欲作何事答言我從尊者邈多求受禪法
尊者教我使營塔寺造作僧房長者語言莫有憂愁
一切所須悉當供給於是比丘將此長者共量佛地
繩未到地比丘便得阿羅漢果使捉一籌著於窟中
雖得阿羅漢所營塔寺盡使都訖

尊者邈多在摩突羅國有一族姓子詣尊者所入法
出家貪嗜飲食由此貪故不能得道尊者卽請此比
丘明日受我食明日尊者爲作乳糜盛滿鉢與語言
待冷而食便口氣吹冷語和尚言已冷尊者言子今

食雖冷汝欲心火然亦應以不淨觀水洗汝心欲令
欲火滅尊者以一空器著比丘前語言吐糜滿器尊
者語言食再嚼此糜吐空器中不欲吐之俛仰而吐
此所吐食語尊者言涎唾以合云何可食尊者語言
一切飲食與吐無異汝不觀察也汝今應觀食不淨
想卽時聽法盡諸結使得阿羅漢語使擲籌著於窟
中

南天竺有一族姓子少欲知足好於麤弊不以酥油
塗身亦不煖湯洗浴亦不食酥油乳酪厭惡生死身
體羸劣不能得道而作是言誰當教授我聞尊者優

波毘多在摩突羅國便往至其所到已尊者觀察應
現身盡漏以羸劣故不能得證尊者卽煖浴室辦諸
浴具約敕年少道人爲塗酥油以水洗浴與好飲食
身心柔軟爲說法要卽盡諸漏得阿羅漢於是籌
擲著窟中

摩突羅國有一族姓子辭父母欲向尊者毘多所求
欲出家旣出家已極愛著身故復欲還家便往尊者
所辭欲還家尊者語言且待明日明日禮尊者足卽
欲還去道中見天寺而作是念若還向家父母或能
爲我作留難事不如卽住此天寺宿明日當還詣尊

者所尊者卽夜化一夜又擔死人來更有一夜叉空
手而來二鬼共諍一言我擔死人來第二者言我擔
死人來前一鬼言我有證人此人見我擔死人來時
此人念言我今畢定死竟應作實語語後鬼言此死
人者前鬼擔來非是汝許後鬼大腹拔其一臂前鬼
以死人臂還續如故後鬼復拔一臂前鬼更拔死人
臂還復補處後鬼拔其兩腳前鬼悉以死人腳補之
如本如是二鬼共食所拔新肉卽便出去於是愛身
之心卽便都滅後至尊者所度使出家爲說法要得
阿羅漢便令擲籌著於窟中

南天竺有一族姓子入佛法出家愛樂已身數數洗
浴酥油塗身食好美食身體肥壯不能得道卽向尊
者所而作是言唯願教授尊者觀察此比丘者現身
應得漏盡以著身故是以不得尊者語言能受我語
當教授汝化作高樹語令上頭四邊化作千肘深坑
語言放右手又言放右腳後放左腳更復語言盡皆
都放此人於時分捨身命都放手足卽時到地不見
深坑亦不見樹爲說深法得阿羅漢便語擲籌著於
窟中

摩突羅國有族姓子向尊者邈多所欲求出家於是

尊者卽度使出家以慳覆心故不能得道尊者敕言
汝今可修布施之業白尊者言都無所有以何布施
尊者言如法所得飲食衣鉢之餘持施上下座初日
語時不肯欲與後日尊者遣二弟子在是比丘兩邊
而坐各耳中出光是慳比丘生敬上心減少食分施
上下座後日有檀越多持好飲食來與便心生歡喜
而作是念由昨日少施今日得多復轉多施上下座
如是慳心破已尊者爲說法要得阿羅漢遂便語使
擲籌窟中

摩突羅國有一族姓子詣尊者所求欲出家卽聽出

家常好睡眠不能得道尊者邈多遣使向阿練若處
坐禪坐禪復眠尊者化作七頭毗舍闍倒懸空中卒
覺見已極大怖畏走詣和尚所和尚問言汝何以來
白和尚言在彼林中有七頭毗舍闍倒懸空中極可
怖畏尊者語言汝今還去詣彼坐禪白言極怖不敢
復去尊者言毗舍闍不足畏怖更有極可畏者汝不
畏之睡眠可畏甚於毗舍闍毗舍闍遮汝睡眠睡眠
遮汝聖道毗舍闍者能害一身睡眠之患害無量身
毗舍闍者不能使人留住生死睡眠之患淋漓於人
流轉生死汝今還去詣彼坐禪從是已後畏毗舍闍

不敢睡眠思惟法相豁然解悟得阿羅漢語使捉籌
擲著窟中不論與人言法坐臥無異之狀
有一族姓子詣尊者優波鞠多所出家尊者卽時度
使出家爲其說法得須陀洹道而語之言生死之法
不問多少皆可惡賤汝當勤求上果彼比丘作是念
言我已斷三惡道何須進求上勝之果遊恣縱捨人
天之中極至七生此何足計尊者鞠多將是比丘入
摩突羅乞食真陀羅村中見一小兒舉身生瘡瘡中
滿蟲尊者鞠多語是比丘言見此小兒不此小兒是
須陀洹人族姓比丘問尊者言以何因緣生真陀羅

家遍身生瘡疽蟲臭穢尊者答言佛在世時有一禪
房中有維那有一羅漢比丘身體少痒把搔有聲維
那瞋言汝身有疽蟲瘡耶此中把搔出向真陀羅村

去羅漢比丘語言莫作是語使汝得罪爾時維那卽
從懺悔精進用行得須陀洹道不求上進由是因緣
舉身瘡生疽蟲臭穢生真陀羅家受大苦惱彼比丘
聞是語已卽勤精進得羅漢道便復與籌令著窟中
真陀羅子尊者邈多卽爲說法得阿那含道生淨居
天

天無會者請言千莫自效毀蓮來聖道白味尙言更

摩突羅國有族姓子詣尊者所而求出家出家已尊

者教觀不淨結使暫不現前自謂已得聖道更不求
上勝尊者語言子莫自放逸勤求聖道白和尚言更
何所爲我今便已得阿羅漢尊者告言子汝但未見
乾陀越國迦羅和女故自言是阿羅漢以未斷結使
生憍慢心白和上言我欲遊行詣彼村落尊者言子
去於是便去漸漸遊行至乾陀越國得叉尸羅城晨
朝持鉢入城乞食次第乞食到迦羅門中女擎食出
而少現齒於是比丘便起欲心顛倒惑著以鉢囊取
酥取麩彼女亦生欲心而作是語阿闍黎不觸我手
不聞我聲暫遙見我而生欲心彼比丘久習不淨觀

取其齒相卽觀作白骨人因是白骨人觀得阿羅漢
便說偈言 吾所到吾吾日不更數劫會皆成言心
摩突慙現外賢好 于嬰愚染惑著 寒知了內生厭
中 亦復不減損 見其實體相 心卽得解脫
以漸還來至摩突羅國見尊者 邈多尊者語言汝見
迦羅和女不答言稱實見尊者言善哉汝所作事今
始得辦於是便擲籌窟中 金銀并好衣 悉皆棄之而
摩突羅國有一長者錢財所有自然衰耗家計幾盡
唯五百舊金錢在作是思惟我今當詣尊者 邈多所
而求出家此金錢者作醫藥直療治疾病卽詣尊者

出家得出家已常倩他沙彌藏此金錢尊者語言若能知我無我是名出家此五百金錢可與眾僧答言和尚此五百錢是我衣服湯藥之直尊者即將向房裏化作千金錢語言此千金錢作汝衣服湯藥之直汝五百金錢施與眾僧從和尚教便以施僧尊者教授即得羅漢於此金錢不復貪著遂語擲籌著於窟中

中

衣廚不減財

良其實難財

心暗昏難照

摩突羅國有族姓子詣尊者所出家學道尊者即便教授以法得須陀洹得已不復進修尊者勅言汝勤修道業答言和尚我以斷三惡趣何須更修尊者晨

朝著衣持鉢共此比丘向摩突羅城次第乞食乃至
真陀羅子身有癩瘡父母以葦刷瘡極令血出而爲
著藥患其疼痛不能堪忍尊者語其弟子言汝見此
不此是須陀洹問和尚言以何業緣受大苦痛尊者
答言佛在世時禪坊之中有一維那時有羅漢比丘
身生瘡癩少多把搔維那瞋言汝身上瘡以葦刷把
卽挽手而出語之言汝向真陀羅村去阿羅漢語言
汝得大罪今可懺悔時彼維那懺悔精進得須陀洹
得道訖不求進故受此大苦生真陀羅家爾時比丘
聞是語已心開意解精勤不久得阿羅漢便使擲籌

著於窟中心閱意無辭進不入昇阿羅漢其時與佛
尊者卽爲真陀羅子說法得阿那含道命終之後生
淨居天乘令百劫到阿羅漢乘進昇阿羅漢
摩突羅國有帝勝長者生於一子年始一歲命終復
生一長者家亦年一歲而復命終如是次第生六長
者家皆年一歲而便命終最後復生第七長者家其
年七歲爲賊將去尊者邈多觀此小兒應當現身得
於道果而復爲賊之所惱尊者復爲度彼卽便入窟
化作四兵欲捉彼賊彼賊恐怖來向尊者叩頭禮拜
尊者見已爲說法要得須陀洹捉此小兒手布施尊

者尊者於是度此小兒及彼劫賊令悉出家皆得阿
羅漢盡各語使擲籌窟中

尊者語此小兒可觀汝親族而化度之於是小兒卽
坐觀察見於七世本身父母愁憂苦惱便到其家而
語之言我是汝子莫大愁惱卽爲說法皆得須陀洹
如是七長者家悉爲說法皆得須陀洹
摩突羅國有一族姓子詣尊者所出家尊者教使坐
禪便得世俗定初禪二禪乃至第四禪得初禪時便
自以爲得須陀洹及得二禪謂得斯陀含三禪謂得
阿那含四禪謂得阿羅漢更不進求上勝之法尊者

敕言汝莫放逸應求上勝法答言我已得阿羅漢更
求何勝法尊者欲化度彼作善方便而語之言子汝
可遊化詣諸聚落於是受教遂便發去尊者卽於道
中化作賈客復化作五百羣賊來破賈客殺害斫刺
族姓比丘卽生恐怖自知非阿羅漢而作是言我雖
非阿羅漢是阿那含時彼賈客亡破之後有一長者
女語是比丘言阿闍黎將我共去比丘答言佛不聽
我與女人獨行長者女言我遙望阿闍黎而隨後行
比丘憐愍故相望而行尊者復化作大河長者女言
阿闍黎渡我過河道人在下流婦女在上流婦女墮

河佛聽比丘水火難處捉婦女出女婦墮河語比丘
言救我此難爾時比丘即便捉出當捉之時生細滑
想便起欲心於是自知非阿那含出河已竟女作是
言阿闍黎活我命卽是我大家道人心生交通之想
捉女人手將向屏處欲共行慾乃見是尊者邈多邈
多語言汝言得阿羅漢云何如此尊者即便將至僧
房教其至心懺悔罪咎爲說法要卽得阿羅漢語使
著籌於彼窟中熯然無言卽却與尊者答言此口說不
摩突羅國有一長者子新娶婦竟辭其父母向尊者
所求哀出家尊者卽時度使出家教以禪法及其坐

禪心念已婦顏貌端正尊者卽化其婦在前而立比丘見已語其婦言汝何以來答言汝喚故來比丘復言我跏趺坐來默然無言何時喚汝答言汝口雖不喚我覺觀喚我汝以口喚便爲慚愧若以心喚不爲慚愧寧爲心慚愧不口慚愧口由心生心不由口汝不欲觸若不欲見者何爲有此覺觀之念汝旣捨欲若復還念如似嘔吐而更食之爾時尊者現身在前爲說法要得阿羅漢卽著籌窟中

尊者徇多遊行聚落到曠野中見五百客放牛人皆來迎尊者接足作禮在一面坐尊者爲說法要悉得

須陀洹果以牛還主放牛人於是出家盡得阿羅漢
遂使擲籌於窟中又問曰汝言共知百一千五百
摩突羅國有一族姓子詣尊者所出家學道尊者邈
多教授禪法卽得世俗四禪得初禪時自謂已得須
陀洹果乃至得於第四禪時自謂已得阿羅漢果尊
者語言汝勤精進可求上勝答言和尙我已得羅漢
尊者意欲更授禪法使在阿練若處住尊者遣化道
人往問訊問訊已在四面坐化道人問言汝於誰邊
出家答言我尊者邈多所出家化道人言汝大福德
汝之和尙是無相好佛化道人問言汝誦何經答言

我誦修多羅毗尼阿毗曇又問言汝於佛法頗有所
證未答言我有所證已得須陀洹乃至得阿羅漢又
問言汝修何道得此四果答言我以世俗道化比丘
言若以世俗道者汝非得道果是凡夫人聞是語已
便於三界生厭患心卽詣尊者所白和尚言我非得
道唯願和尚更教授我於是尊者卽時教授禪法精
進修習得阿羅漢便語擲籌著於窟中
摩突羅國有一長者子新娶婦已心生念言我於佛
法欲求出家便辭父母父母答言我唯有一子死猶
不放何況生在子白父母言若不放我我終不食於

是斷食從初一日乃至六日父母恐其死故卽語之言當從汝願但出家後與我相見子言若放我者當來奉見於是父母便放出家卽詣尊者所出家而自念言我與父母有要若得出家許還往見便白和尚往見父母及見已婦婦語之言汝若不與我爲夫婦之道我棄汝死時此比丘卽生悔心欲得捨戒作是念言我先見和尚然後捨之詣和尚所稽首白言我欲還家尊者告言小住且待明日於是尊者卽於其夜爲作現夢使是比丘夢到父母家見其婦死父母親族嚴備葬具送其婦屍棄於塚間須臾之頃見青

瘵爛臭蛆蟲滿中忽然驚覺卽以夢事往白和尚和尚聞已而告之言汝可往看實知夢不時此比丘乘和尙神力忽便到舍見其父母已送婦屍棄著塚間疽蟲啖食如其所夢思惟觀察重生厭惡得阿羅漢卽便還來和尚問言汝見婦不答言已見婦之實相遂便語使擲籌窟中敬請之言不與遂欲大敬有一族姓子詣尊者所出家學道尊者教授獲得四禪自謂已得四沙門果尊者邈多知其未得而作方便教使六日供養眾僧族姓比丘往摩突羅城見五百優婆塞皆來禮拜語此比丘言阿闍黎欲作何等

答言彼阿練若處課我六日供養眾僧優婆塞言阿
闍黎莫愁此事當爲辦之爾時比丘卽生慢心自思
惟言我非羅漢阿羅漢者已斷慢心詣和尙所而作
此言唯願和尙當見教授我猶未得阿羅漢也於是
尊者爲說法要得阿羅漢卽便擲籌著於窟中
時罽賓國有一比丘名曰善見獲世俗四禪得五神
通若無雨時常能請得雨起增上慢自謂已獲阿羅
漢果尊者勗多將欲度彼化使十二年旱諸人驚怕
詣尊者所而作是言願爲我等請雨尊者答言我不
請雨罽賓國有善見比丘極能請雨於是國人卽遣

使往請彼比丘善見比丘便受其請以世俗五通力
飛至摩突羅摩突羅國中人民勸請言阿闍黎爲我
請雨便爲請雨時乃大雨滿闍浮提一切人知生大
歡喜皆設供具而來供養爾時善見大得利養便起
憍慢而作是言優波瓠多所得供養不如於我便自
思惟阿羅漢者無有我慢將知我今非是羅漢卽往
詣尊者求教授法尊者語言汝不堅持佛法云何教
汝佛不聽比丘請雨汝復生憍慢云何自言我得羅
漢卽向尊者至心懺悔尊者教授便得羅漢使著籌

窟中

尊者毘多作是念言提多迦爲出未也觀猶未出尊者爾時將比丘眾至提多迦父母之家漸漸轉少唯二比丘往到其家乃至獨往長者問言阿闍黎何以獨行答言無有弟子是故獨行欲供給者便來供給長者言我樂居家不得供給若後有子共相供給使爾時長者生子皆死後生一子字提多迦漸漸長大往尊者所遂使出家學道年滿二十與受具戒初白之時得須陀洹第一羯磨得斯陀含第三羯磨得阿那含第三羯磨得阿羅漢尊者毘多作是思惟我化緣已訖以法供養佛竟饒益同梵行者使諸檀越大得

饒益而令正法相續不絕又作是念我多利眾生有窟長三丈六廣二丈四得阿羅漢者各以一四寸之籌滿此窟中今涅槃時到語提多迦言子佛以法付囑迦葉迦葉以法付囑阿難阿難以法付我和尚商那和修商那和修以法付我我今以法付囑於汝尊者毘多告諸大眾卻後七日我當涅槃爾時卽集十萬羅漢學人與淨持戒者不可稱數白衣之眾無量千萬尊者於是飛騰虛空作十八變使諸四眾皆生歡喜於無餘涅槃以窟中籌燒尊者身一萬羅漢見尊者涅槃亦入涅槃諸天種種供養已然後起塔如

來涅槃以法付囑人亦不得久住何以故諸天不擁
護故若付囑天法亦不得久住何以故諸天放逸故
是以如來付囑人天法得久住如來欲涅槃時入世
俗心作是思惟諸四天王應來我所時四天王已知
佛心來至佛所右繞三匝頭面作禮在忉利面坐佛告
四天王我今不久當入涅槃我涅槃後汝等諸天擁
護佛法別語提頭賴吒汝可擁護東方佛法語毗樓
勒汝今擁護南方佛法語毗樓博叉汝今擁護西方
佛法敕毗沙門汝今護持北方佛法滿千年已法欲
滅時非法眾生極爲甚多於閻浮提破壞十善放大

惡風天不降雨穀米湧貴霜雹爲災河泉少水樹無
華果人之威德生酥熟酥漸漸竭少未來之世當有
三惡王出一名釋拘二名閻無那三名鉢羅燒害百
姓破壞佛法如來肉髻及以佛牙當至東天竺南方
有王名釋拘將十萬眷屬破壞塔寺殺害眾僧西方
有王名曰鉢羅亦將十萬眷屬亦破壞塔寺殺害道
人北方有王名閻無那亦將十萬眷屬破壞僧坊塔
寺殺諸道人東方當爾之時諸非人鬼神亦苦惱人
劫盜等賊亦甚眾多惡王亦種種苦惱謫罰恐怖乃
至東方拘舍彌國王名曰大軍亦有十萬軍眾圍繞

大軍王生一子身著鎧甲手中把血從母胎中出其
身有大力士之力爾時五百長者同時生子皆身著
鎧甲手中捉血從母胎出卽於其日天大雨血大軍
王便使相師占相其子相師言曰此兒必當王世天
下唯有一過多所傷害初生子時大設供養極有威
德如日之威難可看視是故名爲難可看視乃至年
滿二十爾時三惡王毀滅佛法殺害一切欲向東方
大軍王聞其欲來王極大恐怖而作是言此三王今
同心擊我我當云何有天神語言汝以天冠著子頂
上捨王位與汝子將五百力士足能摧伏大軍王卽

捨王位及以天冠結頂之具悉以與子卽名此子爲
難看王五百力士用爲輔相五百輔相各自莊嚴辦
種種器仗卽共鬪戰殺彼三王并其眷屬所將兵眾
悉皆除滅便還舍彌作閻浮提王時華氏城中有婆
羅門名曰大與多知博學一切典籍無不了達取大
種姓與已相似媾以爲婦大福德人當從此生當懷
妊時作意欲與一切論士共爲論議相師占言此子
生者必能摧伏一切論士乃至滿足十月而生面貌
端正及年長大亦能通達一切典籍有五百婆羅門
作受學弟子從其習學經論呪術如是多諸弟子卽

名此兒爲多弟子卽辭父母出家學道讀誦三藏經
書都盡爾時華氏城中有一長者名曰須達那取門
戶齊等女以爲己婦有勝人當生於此當懷妊時母
樂閑靜心意調善好修忍辱相師占言此是兒志乃
至初生卽名須達此言善意後以漸長大辭父母出
家翹勤精進得阿羅漢少欲知足兼多知識。稀閑
靜在邊房中後向香山中住大軍王命終難看王戀
慕懊惱種種供養後爲起塔多弟子三藏將數百千
眾向拘舍彌說法難看王向三藏所聽法卽除去憂
愁於佛法所得信敬心念如來功德及與沙門能施

無畏問諸比丘言彼三惡王幾於時中毀滅佛法答
言十二年毀滅佛法王言我今十二年中當作般遮
於瑟於是王在拘舍彌作般遮於瑟當作之日閻浮
提普雨甘雨一切穀米一切樹木一切花果皆悉成
熟閻浮提人爲欲供養諸眾僧故來向拘舍彌爾時
眾僧多利供養飲食衣服無有誦習讀經行道但晝
則俗話夜則睡眠貪著利養莊嚴身體著好衣裳當
於爾時無遠離樂無寂靜樂無禪定樂無智慧樂唯
寶穢身以爲堅實爲法作怨非法增長法幢將傾慢
幢欲立正法欲滅熾然使火燒壞法輪法海欲竭法

山欲崩法城欲壞欲伐法林欲覆定慧斷戒瓔珞與
於正法作大過患天龍夜叉乾闥婆皆生譏嫌言此
諸眾僧不修善業如是惡人壞滅佛法常習諸惡多
作不吉少有信心爲邪見壞諸善根本今悉斷滅不
畏殃咎無悲忍心遠離眞諦拔倒法幢不信不調好
作惡業破法經律害出家眾好行諸惡長養憍慢諂
僞詐稱偷劫法庫佛法滅相今悉覩見法海欲涸餘
光無幾學惡法者無智慧者必滅佛法諸天不喜不
加擁護由此事故卻後七日正法當滅諸天空中極
大懊惱發大音聲而作是言如來正法後七日夜因

諸比丘鬪諍故滅時拘舍彌有五百優婆塞爲佛法
故諫諸比丘滅其鬪諍皆唱怪哉如來正法必當滅
壞法流必斷釋師子法今則爲彼惡黨諍斷遂作偈
言指釋命法去車將去滅時今悉歸良去新始國
非惡金剛之身心害猶尙有壞敗情況危脆身心
異矣而當不碎壞豈一切見聞法去其性自磨滅
非不安隱好時過急毒惡勢已至財有智者盡滅
諸眾數現諸世惡依相佛必滅壞世間欲黑闇
外五無垢法日沒天大冥苦將至救世尊法盡
山爲善惡誰能知若不知諸善云何能得知

解脫之正要及以人天道若不知諸惡
云何而得離樂佛法如明燈圓得修集諸善
佛法若在世無福田勝無量佛法若滅者

作福田有量之我以不堅財且當易堅牢法

佛法從今日願滅盡一何速

拘舍彌五百僧坊寺當布薩時諸優婆塞皆有忽務
不得往香山中有阿羅漢名修陀羅觀闍浮提眾僧
當於何處布薩卽知凡是佛弟子皆集拘舍彌布薩
眾僧旣集爾時僧遣維那唱言今十方僧和合布薩
時三藏比丘多有弟子最爲上座白諸眾僧言世尊

十方弟子皆來集此如此大眾我爲上座我已到多
聞彼岸而猶不能具持佛戒今此眾中誰有持戒比
丘而當說戒今十五日極可愛樂日月分明眾僧皆
以說戒故皆和合現閻浮提沙門釋子盡來聚集是
最後集此中誰能持釋師子戒修陀羅起而合掌在
上座前而作是言願可布薩我能說戒如佛在世舍
利弗目犍連所持之戒我今具持但願說戒三藏弟
子字噫伽度惡而無慈生嫌嫉心捉持利刀殺修陀
羅時有夜又名爲樂面而作是言閻浮提內唯有一
阿羅漢云何殺之便以金剛杵打噫伽度頭作七分

修陀羅弟子復殺三藏於是已後佛法尋滅爾時大地震動大星崩落諸方火起諸天空中擊磬失聲四方火煙起十萬諸天空中涕泣佛在世時見佛夜叉五體投地覆面下向作是言曰從今已後不聞佛法不聞毗尼不聞戒律法橋已壞斷絕法流法海乾竭法山崩倒法寺已盡法行已絕法藏已壞法甘露已竭能說法者皆悉已滅教坐禪者亦復已喪佛母摩訶摩耶從天來下悲哀涕泣而作是言咄哉怪哉我子三阿僧祇劫所集之法今日滅盡我子徒眾能師子吼者爲何所在勇健威猛摧魔軍者今安所寄從

法身生者亦何處去納衣空閑者今爲所在能持佛
法者復何處去也諸善勝法盡離眾生閻浮提好莊
嚴事一切盡滅猶如月蝕法施無畏施財施信戒施
忍施如是諸勝施皆何在如是悲哀已還歸天上
五百優婆塞聞法滅盡出拘舍彌至僧坊所高舉兩
手自搥胸背悲號懊惱涕泣而作是言何其怪哉何
其苦哉卽說偈言
大火善語永離別大火惡災害世
誰當授我戒
誰所聽法言
愚癡遍世界
大明悉摩滅
世間大黑闇
樂著諸惡業
舉世皆如鹿

無有厭離想 佛語盡摩滅 都棄清淨業
大死既已至 皆當墮惡道 世間如虛空
悉離於星月 如華無諸蜂 林無拘枳羅
念定及智慧 十力世尊法 今悉盡滅壞
眾生何所怙

爾時拘舍彌王聞三藏比丘及聞修陀羅阿羅漢二
人俱死懊惱瞋恚殺諸道人破壞塔寺佛告四天大
王汝當擁護佛法乃至滅盡四天大王白佛言世尊
唯然受教作是語已便還天上

阿育王傳卷第五 終

音釋王勅卷第五

咀 蒲拜切 嗜 時利切 嚼 疾雀切 涎 徐連切 疽 七餘

王 切癰 倩 倉旬切 刷 數滑切 痍 延知切 搔 蘇曹切 瘕

人 依據切 氣 擾亂也 媯 爾沼切 怙 音戶 瘕 積也

爾剖... 舍... 王... 三... 蘇... 曹... 切... 瘕...

居士盛宣懷

居士盛宣懷 施銀洋一百元

佛歷二千九百四十八年 辛酉 陰曆九月 初十日 告竣

常州天寧寺刻經處清鎔識

湖北陶舫溪琴



台北科技大學圖書館



3100531